

DCP (L) No F. 2 (P-22) Press / 2014

RNI - DELPRA/2015/59918 ISSN. 2454-5252

2018 (Joint Edition)

णमो जिणाणं

पागद-भासा PĀGADA-BHĀSĀ

प्राकृत-भाषा

पाइय-भासा

पाउअ-भासा

PRAKRIT LANGUAGE

Year-4 | Volume-7-8 | The First Magazine in Oldest Indian Prakrit Language Hon. Editor - Dr. Anekant Kumar Jain

MAHAMASTAKABHISHEKA

2018



गोम्मटेस-महामत्थयाहिसेग-विसेसंकं



B.



पागद-अंतरद्वि-विस्सविज्जालयस्स ठावणा

6 नवम्बर, 2017 सवणबेलगोला, अंतरद्वि- पागद-सम्मेलणम्मि केंदियमंति- अणंतकुमारो-उघोसणा किदं जं सवणबेलगोलाखेत्तम्मि अंतरद्वि-पागद-विस्स- विज्जालयस्स ठावणा भविस्सदि। वैसाली संठाणं वि पागद-विस्सविज्जालयो भविस्सदि। भट्टारग-सामी-चारूकिती वि बहु-जोगदाणं किदं। केंदिय मंतिओ अणंतकुमारो 'पागद-भासा' पत्तस्स णूयणांकस्स विमोअणं वि किदं।

- Dr. Arihant Jain

दिल्ली-पागद-अकादमी ठावणा भविस्सदि

27 दिसंबर, 2017 दिल्ली-विहाण-सहा- अज्जक्खो सिरी रामणिवास-गोयलो उवदिट्टं जं दिल्ली- पदेसे 'पागद-अकादमी-ठावणा' अवस्स भविस्सदि। पागद-भासा संवादगो डॉ. अणेयंत-कुमार-जइणो, नेसनल -मीडिया-फाउण्डेसण -सचिवो डॉ. इन्दु-जइण, जिण- फाउण्डेसणस्स उवजक्खो सिरी राकेस-जइण एगो पस्तावं तं पदत्तं।

- Dr. Indu Jain



केण्या-अंतरद्वि-सम्मेलणम्मि 'पागद-भासा' विमोअणं

दिसंबर, 2017, केण्या-देसम्मि नैरोबी तहा किसुमु-णयरम्मि आयोजिदं अंतरद्वि- सम्मेलणे तत्थ विस्स-विज्जालयस्स कुलवई 'पागद-भासा' पढमं समायारपत्तस्स णूयण अंकस्स विमोअणं किदं। महासभा अज्जक्खो सिरी-णिम्मल-सेठी, डॉ. णरेन्द जइण, डॉ. भागचन्द जइण-भाक्करो, डॉ. डी. पी. तिवारी, डॉ. दीक्षित, भट्टारग सामी वि तत्थ उवट्टिदो आसीअ।

- Dr. Narendra Jain



Editorial

पागदसाहिच्चम्मि बाहुबली (बाहुबलिस्स पागदभासाहिसेगो)

भारहदेसे पागद-साहिच्चपरंपरा सुदिग्धा अत्थि। पागद-साहिच्चम्मि बाहुबलिस्स वण्णणं अत्थि। दसभत्तिसंगहम्मि णिव्वाण-भत्तिपसंगम्मि जइणायरिएण सिरीकुंदकुंदेण भगवंतं बाहुबलिं 'गोम्मटदेवं' ति णामेण वंदणं किदं-

गोम्मटदेवं वंदमि पंचसयं धणुहदेहउच्चं तं।

देवा कुणंति वुट्ठिं केसरकुसुमाणं तस्स उवरिम्मि॥¹

जस्स सरीरं पंचसयधणु उच्चं अत्थि। जस्स उवरिम्मि देवा केसरकुसुमाण वुट्ठिं कुणंति, तं गोम्मटदेवं अहं वंदमि। विउसेहिं इयं गाहा पक्खित्ता मण्णिज्जइ² ठाणंग आगमे वि बाहुबलिस्स ओगाहणा विसए उत्तं-

‘बाहुबली णं अणगारे पंच धणुसत्ताइं उड्ढं उच्चत्तेणं होत्था³

गोम्मटसारम्मि आइरियणेमिचदेण बाहुबलिस्स बहुणामाइं उताइं-

गोम्मटसंगहसुत्तं गोम्मटसिहरूवरि गोम्मटजिणो य

गोम्मटराय-विणिम्मियदक्खिण कुक्कडजिणो जयउ॥⁴

आयरिय कुंदकुंदो भावपाहुडम्मि बाहुबलिं माणकसाएण कलुसिदं धीरं भणीअ-

देहादिचत्तसंगो, माणकसाएण कलुसिदो धीर ।

अत्तावणेण जादो, बाहुबली कित्तिं कालं॥⁵

धम्मदासगणिविरईए उवदेसमालाए वि बाहुबलिस्स वण्णणं अत्थि-

धम्मो भएण हुंतो तो नवि सीउण्ह-वाय-विज्झडिओ

संवच्छरमणसीओ बाहुबली तह किलिस्संतो ॥

विसयसुहरागवसओ घोरो भाया वि भायरं हणइ।

आहाविओ वहत्थं जह बाहुबलिस्स भरहवई॥

णिव्वाणभत्तीए आइरियकुंदकुंदो बाहुबलिस्स ठाणं पोदनपुरं कहीअ-

‘बाहुबलि तह वंदामि पोदनपुरं.....’

उत्तरापथे तक्खसिलाणं पुव्वणामं पोदनपुरं अत्थि। आइरिय-विज्जाणदेण ‘बाहुबलिस्स रायहाणी तक्खसिला’ (वत्तमाणकालम्मि पाकिट्टाण देसे) इदि गंथे बहु अणुसंधाणं किदं। तस्स मयाणुसारेण तक्खसिला बाहुबलिस्स रज्जं आसी।

सिरि-सीलंकायरियविरइदा चउप्पन्नमहापुरिसचरियम्मि बाहुबलिस्स वि चरियं
अत्थि तत्थ उक्तं-‘भणियं भरहाहिवेणं-लक्खिओ तुह भावावेओ, ता पेसिज्जउ तस्स
अज्जेव दूओ, णिव्वडउ तस्स ववसियं। ति भणिरुण सदाविओ सवेगाभिहाणो दूओ।
सिक्खविरुण पेसिओ बाहुबलिसमीवं। तओ गामागर-खेड-मडंबाइयाइं लंधेरुण
तक्खसिलं, पत्तो य बाहुबलि - भुवणस्स दुवारं⁷
सेयंबरस्स आवस्सयणिजुत्तिगंथम्मि वि उल्लेहो अत्थि-

‘तत्थ बाहुबलिस्स रायहाणी तक्खसिला णाम’⁸

विमलसूरिविरइयं पउमचरियम्मि वि उक्तं-

‘तक्खसिलाए महप्पा बाहुबली तस्स णिच्चं पडिकूलो’⁹

आहुणियकालम्मि वि णूयण साहिच्चकारा पागद-भासम्मि णूयण-रयणं कुव्वंति।
‘पागद भासा’ पत्तस्स अयं ‘गोम्मटेस महामत्थयाहिसेग विसेसंकं’ विसिट्ठ-रूवेण
कम्मजोई- भट्टारग-चारुकित्ति-सामी-महोदयस्स आसीवादेण पगासियं अत्थि।
विसेसंकम्मि बाहुबलिस्स उवरि लिहिदा पाइण-आयरियाणं रयणा वि सन्ति तहा अहुणा
वत्तमाणूयण-साहिच्चकाराणं रयणा वि सन्ति।

पागदभासाए पगासिदं पढमं पत्तं ‘पागद-भासा’ पक्खदो गोम्मटेसबाहुबलिस्स इदं
‘पागदभासाहिसेगो’ अत्थि। णमो जिणाणं ।

संदर्भो:-

1. परिणिव्वाणभत्ति-27
2. डॉ. पणालाल, कुन्दकुन्दभारती, पृ. 343
3. ठाणं 5/सूत्र-161, पृ. 591
4. गोम्मटसारो, गाहा-968
5. भावपाहुड, 44
6. पक्खित्तं गाहा-23
7. चउप्पन्नमहापुरिसचरिय, पृ.44
8. आवस्सयणिजुत्ति, पृ. 180-181
9. प.च.4.38



- Dr. Anekant Kumar Jain

बाहुबलिस्स चरियं
(विमलसूरिविरइयं पउमचरियस्स चउद्देसम्मि)
(गाहा-36 तो 48)

ताव य चक्कहरत्तं, संपत्तं भरहराइणा सयलं।

हयगयजुवइसमग्गो, चउदसरयणाहिवो धीरो।

उसभजिणस्य भगवो, पुत्तसयं चन्दसूरसरिसाणं।

समणत्तं पडिबन्नं, सए य देहे निरवयक्खं।

तक्खसिलाएँ महप्पा, बाहुबली तस्स निच्चपडिकूलो।

भरहनरिन्दस्स सया, न कुणइ आणा-पणामं सो।

अह रूढो चक्कहरो, तस्सुवरिं सयलसाहणसमग्गो।

नयरस्स तुरियचवलो, विणिग्गओ सयलबलसहिओ।

पत्तो तक्खसिलपुरं, जयसहुग्घुट्टकलयलारावो।

जुज्झस्स कारणत्थं, सन्नद्धो तक्खणं भरहो।

बाहुबली वि महप्पा, भरहनरिन्दं समागयं सोउं।

भडचडयरेण महया, तक्खसिलाओ विणिज्जाओ।

बलदप्पगव्वियाणं, उभयबलाणं रसन्ततूराणं।

आभिट्ठं परमरणं, नच्चन्तकबन्धपेच्छणयं ।

भणियो य बाहुबलिणा, चक्कहरो किं वहेण लोयस्स।

दोणहं पि होउ जुज्झं, दिट्ठीमुट्ठीहि रणमज्झे।

एवं च भणियमेत्ते, दिट्ठीजज्झं तओ समब्भडियं।

भग्गो य चक्खुपसरो, पढमं चिय निज्जिओ भरहो।

पुणरवि भुयासु लगा, एक्केक्कं कढिणदप्पमाहप्पा।

चलचलणपीणपेल्लण- करयलपरिहत्थविच्छोहा ।

अद्धतडिजोत्तबन्धण- अवहत्थुव्वत्तकरणनिम्मविया।

जुज्झन्ति सवडहुत्ता, अभग्गमाणा महापुरिसा ।

एवं भरहनरिन्दो, निहओ भुयविक्कमेण संगामे।

तो मुयइ चक्करयणं, तस्स वहत्थं परमरूढो।

विणिवायणअसमत्थं, गन्तूण सुदरिसणं पडिनियत्तं ।

भुयबलपरक्कमस्स वि संवेगो तक्खणुप्पन्नो।

बाहुबलिस्स दिक्खा

(पउयचरियं 4/49-55)

जंपइ अहो! अकज्जं, जं जाणन्ता वि विसयलोभिल्ला।

पुरिसा कसायवसगा, करेन्ति एक्केक्कमवि रोहं ॥

छारस्स कए नासन्ति, चन्दणं मोत्तियं च दोरत्थे।

तह मणुयभोगमूढा, नरा वि नासन्ति देविड्ढिं ॥

मोत्तुं कसायजुज्झं, संजमजुज्झेण जुज्झिमो इण्हिं।

परिसहभडेहि समयं, जाव ठिओ उत्तमट्टम्मि ॥

नमिरुण जिणवरिन्दं, लोयं कारुण तत्थ बाहुबली।

वोसिरियसव्वसङ्गो, जाओ समणो समियपावो ॥

कारुण सिरपणामं, चक्कहरो भणइ महुरवयणेहिं।

मा गेण्हसु पव्वज्जं, भुज्जसु रज्जं महाभागं ॥

संवच्छरपडिमत्थं, बाहुबली पणमिरुण चक्कहरो।

सयलबलेण समग्गो, साएयपुरिं समगुपत्तो ॥

बाहुबली वि महप्पा, उप्पाडिय केवलं तवबलेणं ।

निट्ठवियअट्ठकम्मो, दुक्खविमोक्खं गओ मोक्खं ॥

अजेय बाहुबली

(महाकइ-संभू)

पर एक्कु ण सिज्झइ साहिमाणु सय पंच-सयास-धणु पमाणु।

तिर्थकर-णंदणु-तुह कणिहु, अट्ठाणवइहिं भाइहिं वरिहु॥

पोअण-परमेसरू चरमेदेहु, अखलिय-मरहु जयलच्छि-गेहु।

दुव्वार-वइरि-वीरंत-कालु, णामेण बाहुबलि वल-विसालु ॥

वेड्डुउ सुहु विसालेहिं वेल्ली-जालेहि, अहि-विच्छिय-वम्मीयहिं।

खणु वि ण मुक्कु भडारउ मयण-वियारउ णं संसारहो भीयहिं॥

(पं.च. 4/12)

बाहुबलि महाबलु

(महाकइ-पुष्पदंत-विरइयं महापुराणम्)

सिसु अविपिक्क-वंस सुच्छायउ, बालउ बाहुबलि वि तहि जायउ।

तुच्छबुद्धि अप्पउ अवगण्णमि, पहिलउ कामएउ किं वण्णमि ॥1॥(5/14)

जो सूहउ महिलहिं माणिज्जइ । कंदप्पु जि पुणु कहु उवमिज्जइ ॥(5/17)

आरणालं-विलसिय-कुसुम-मग्गणो गरुयगुणगणो तरुणि-हियय थेणो।

असरिस-विसम-साहसो, वसि हयालसो णिहय-वेरिसेणो॥1॥

अण्णु वि जसवइतणयहं जेट्टउ, पुत्तु सुणंदहि तुज्झु कणिट्टउ।

सायरू जिह तिह मयरघयालउ, चावहं चारुवयणु चरियालउ।

पंचसायाइं सवायइं तुंगउ, भण्णइ संपहिं सो ज्जि अणंगउ।

बालु बंभसुंदरिहि सहोयरु, पिउपयपरूहरयरउ महुयरु।

हरियदेहु णं मरगयगिरिवरु, अरिकरिदसणमुसलपसरियकरु।

विमल-कुलाल-वाल-सुरतरुवरु, चरमदेहु सासय-सुह-सिरिहरु।

गुरुचरणारविंद-रइ-रस-वसु, मंदर-कंदर-रंत-गाइय-जसु॥

दुत्थियदीणाणाहहं दिहियरु, णरहरिसरणागयपविपंजरु।

लीला-दलिय-महायल-मयगलु, कढिणबाहु बाहुबलि महाबलु॥

घत्ता

सो अच्छइ उपसमु धरिवि मणे जइ रणि कह वि वियंभइ॥

तो सहुं चक्कें सहुं साहणेण पइं मि णरिंद णिसुंभइ॥5॥

आरणालं

जो जिप्पइ ण हारिणा कुलिसधारिणा पयड-सुहडरोलें।

सो णिम्महइ-माणवे जिणइ दाणवे देव कलहकाले।

घत्ता-विभिउ भरहणराहिवइ बाहुबलीसु जगेण पसंसिउ ॥

गयणभाउ सुरमुक्कियहिं पुष्पदंतपतिहिं णं पहसिउ (सन्धि-18)

घत्ता

ससि सूरहो मंदरू मंदरहो इंदहु इंदु अणीयउ।

पर एक्कहु णंदाएविसुय तुह ण णिहालमि बीयउ ॥

आयरिय-णेमिचन्दविरइदा
चामुण्डरायो गोम्मटो जयउ

अज्जज्जसेणगुणगणसमूहसंधारिअजियसेणगुरु।
 भुवण गुरु जस्स गुरु सो राओ गोम्मटो जयउ ॥ (गो.सा. जीवकाण्ड-734)
 गोम्मटसंगहसुत्तं गोम्मटदेवेण गोम्मटं रइयं।
 कम्माण णिज्जरट्ठं तच्चट्ठदधारणट्ठं च॥
 जम्हि गुणा विस्संता गणहरदेवादिइड्ढिपत्ताणं।
 सो अजियसेणणाहो जस्स गुरु जयउ सो राओ॥
 सिद्धंतुदयतडुग्गयणिम्मलवरणेमिचंदकरकलिया।
 गोणरयणभूसणं बुहिमइवेला भरउ भुवणयलं ॥
 गोम्मटसंगहसुत्तं गोम्मटसिहरूवरि गोम्मटजिणो य।
 गोम्मटरायविणिम्मियदक्खिणकुक्कडजिणो जयउ ॥
 जेण विणिम्मियपडिमावयणं सव्वट्ठसिद्धिदेवेहिं।
 सव्वपरमोहिजोगिहिं दिट्ठं सो गोम्मटो जयउ ॥
 वज्जयणं जिणभवणं ईसिपभारं सुवण्णकलसं तु॥
 तिहुवणपडिमाणिक्कं जेण कयं जयउ सो राओ॥
 जेणुब्भियथंभुवरिमजक्खतिरीटग्गकिरणजलधोया।
 सिद्धाण सुद्धपाया सो राओ गोम्मटो जयउ ॥
 गोम्मटसुत्तल्लिहणे गोम्मटरायेण जा कया देसी।
 सो राओ चिरकालं णमेण य वीर मत्तंडी॥
 (गोम्मटसार कम्मकण्डम्मि पसत्थी गाहा 965-972)



आयरिय-णेमिचन्दविरइदा गोमटेस-थुदि



विसट्ट-कंदोट्ट-दलाणुयारं। सुलोयणं चंद-समाण-तुंडं॥
घोणाजियं चम्पय-पुष्फसोहं। तं गोमटेसं पणमामि णिच्चं ॥1॥

अच्छाय-सच्छं जलकंत-गंडं, आबाहु-दोलंत सुकण्ण-पासं ।
गइंद-सुंडुज्जल-बाहुदंडं, तं गोमटेसं पणमामि णिच्चं ॥2॥

सुकंठ-सोहा-जिय-दिव्वसोक्खं। हिमालयुद्धाम-विसाल-कंधं ॥
सुपेक्ख-णिज्जायल-सुट्टुमज्झं। तं गोमटेसं पणमामि णिच्चं ॥3॥

विज्झायलगे, पविभासमाणं। सिंहामणिं सव्व-सुचेदियाणं ॥
तिलोय-संतोसय-पुण्णचंदं। तं गोमटेसं पणमामि णिच्चं ॥4॥

लयासमक्कंत-महासरीरं। भव्वावलीलद्ध-सुक्कप्परूक्खं ॥
देवंदविंदच्चिय पायपोम्मं। तं गोमटेसं पणमामि णिच्चं ॥5॥

दियंबरों यो ण च भीइजुत्तो, ण चांबरे सत्तमणो विसुद्धो ।
सप्पादि-जंतुप्फुसदो ण कंपो, तं गोमटेसं पणमामि णिच्चं ॥6॥

आसां णये पेक्खदि सच्छदिट्ठि। सोक्खे ण वंछा हयदोसमूलं ॥
विरायभावं भरहे विसल्लं। तं गोमटेसं पणमामि णिच्चं ॥7॥

उपाहिमुत्तं, धण-धाण-ववज्जियं। सुसम्मजुत्तं मयमोह-हारयं ॥
वस्सेय-पज्जंतमुवास-जुत्तं। तं गोमटेसं पणमामि णिच्चं ॥8॥



‘सव्वधम्म-उपासणम्मि ‘गोमटेस-थुदि’

30 जनवरी, 2018, णव दिल्ली महप्पागांधी
पुण्णतिहि-अवसरम्मि डॉ. इन्दु-जइणेण सव्वधम्म-पत्थणम्मि
‘गोमटेस-थुदि’ ससरेण पत्थुदा। तत्थ पहाणमतिओ सिरि णरेंद
मोदी वि उवट्ठिदो आसी। यू-ट्यूब लिंकं अत्थि-
<https://youtu.be/EiYjGBPSYHs>



$$\left[\frac{1221}{1221} \right]$$

- [illegible]

५. ४१३८८५६
ॐ, मुन्नीजैन वासणसी



27 156 773

णमो गोम्मटेसरस्स! णमो गोम्मटराइणो!

कण्णाड-देसे समणबेगगोल-पासे विझगिरिमि अह,
मोणं चिट्ठदि गोम्मटेसरो सहस्सेग-वरिसेहिं उवह !

चामुंडराइणे सो जिणधम्म-भत्ति-रक्खण- भव्व-संदेसो!

कण्णाड-देस-सिप्प-विण्णाण-सव्वस्स-दिव्व-संकेदो!

को माउं तरदि तस्स मोण-गहीरिमं, हास-महुरिमं,
को वा तस्स तित्ति-भावं, तह चाग-मेरं?

देश-विदेसादो णेगा तत्थ पदि-दिणं गच्छंति!

अप्पाणं माण-हरणं मुणिअ ते पडिणिवत्तंति!

बारस-बारस-वरिसेहिं, सुवण्ण-रूप्पादि-कलस-एग- सहस्सट्ठेहिं,
गोम्मटेसरस्स तस्स महामत्थगाभिसेगो होदि!

गोम्मटेराइणो वि माण-हरण-कहं णो सुमरावेदि!

गोम्मटेसरो जदि वि सया मोणं तहिं चिट्ठदि,

अम्हाणं माण-दोसं सो झत्ति णं विकड्ढदि!

हास-तित्ति-चाग-गुणाइं अम्हं सिक्खावेदि!

णमो गोम्मटेसरस्स! जस्स पहावेण म्हि पुणिदो!!

णमो गोम्मटराइणो! जेणमयं विग्गहो ठाविदो!!

- Dr. B.K. Khadbadi, Dharwad
(Gomteshwar Mahabhishek Smaranika - 1981)





सदाहं णमामि सुणंदासुयं तं

विइत्तागयं जो रणे वीरियाओ, विरत्तो अहेसि भुइ पत्त रज्जो ।

तवम्मि णिलीणो विलीणाघ ओहं, सयाहं णमामि सुणंदासुयं तं ॥1॥

तवं आयरंतं महासीयवायं, सूरियपयावं महंभोयवुट्ठिं ।

सहेइ थिरं अत्तझाणं जुओ उ, सयाहं णमामि सुणंदासुयं तं ॥2॥

गहित्ता तवं जेण भुत्तं ण किंचि, जलं णेव गहियं पिआसाउरेण ।

विवड्ढो अहेसि सओ गुणसमूहो, सयाहं णमामि सुणंदासुयं तं ॥3॥

जईए सुदेहे गिरिंदेण तुल्ले, घणा सामलाहा सुलग्गा हवेइ ।

सया झाणमग्गं महामोक्खलग्गं, सयाहं णमामि सुणंदासुयं तं ॥4॥

तए अंगलग्गो लयाए समूहो, सुरीखेअराओ विऊरं किअं तं ।

जुयं पक्खिविंदे णिड्डे ठिए हि, सयाहं णमामि सुणंदासुयं तं ॥5॥

णिमग्गो सया सत्तसंचेयणाए, सुलग्गो सया मुत्तिकंताणुबंधे ।

दहतं सया कम्मदावं महंतं, सयाहं णमामि सुणंदासुयं तं ॥6॥

सुरा खेयराइ खु णिच्चं णमंते, ठिअं झाणमज्जे गिरिंदोवमाणं ।

महाबोहकेवल-सिरीए सोहंतं, सयाहं णमामि सुणंदासुयं तं ॥7॥

विहूय अट्ठयं जो विहीणं विदुट्ठं, हवइ मोक्खमासी खलु एव खिप्पं ।

थुअं देवविंदेहिं थुअ साहु संघेहिं, सयाहं णमामि सुणंदासुयं तं ॥8॥

— Prof. Rishabh Chand Jain Fojdar, Vaishali

पागद-विउसस्स सुपुत्तो पो. डॉ. रजणीस-जइणो यू.जी.सी. सचिवो णिजुत्तो

पागद-भासा-आगम-साहिच्चस्स वरिट्ठ-मणीसी,
संपुण्णाणंद-सक्कय-विस्सविज्जालयस्स पागद-जइणागम-
विभागस्स पुव्व-अज्झक्खो दिवंगओ आइरिय गोकुलचंद-जइण-
महाभागो तस्स सुपुत्तो पो. डॉ. रजणीस-जइणो-विस्सविज्जालय-
अणुदाण-आओगस्स सचिवो णिजुत्तो। पागद-भासा पक्खदो
सुहकामणा।



मुणिपणम्मसायरविरइदा

गोम्मटेस भत्ती

(चउपाई छंद)



सिरिजिणसेण मुणीसरकहिदं बाहुबली जिणमहिमावयणं।

ठविदा भरहेणं जिणपडिमा पोदणपुर ठाणे बहुगरिमा ॥1॥

सुणिय कालला माया एवं दंसणकरणे कुणदि सुभावं।

जाव ण दंसणमहं करोमि ताव ण दुद्धं मुहे धरेमि ॥2॥

जणणीगहणं वदं सुदेणं चामुण्डरायेणं जं णादं।

ताए अहिलासं पूरेज्ज भावं तस्स मणम्मि होज्ज ॥3॥

सह परिवारेणं सा जत्ता पारंभा मग्गे सुववत्था।

पोदणपुर-मग्गं णहि पावइ कडवप्पं खलु सो आगच्छइ ॥4॥

णेमिचंदसिद्धंतगुरुस्स चरणं पूजिय महिमं तस्स।

पूदगिरिस्स सुणिय संतुट्ठो तत्थ मंदिरेसुं स पविट्ठो ॥5॥

मायाए सह सिविरं गच्छिय चिंताभारेणं सो सयिय।

पादो जग्गिय मायापुत्तं परोप्परं संतुट्ठं दिट्ठं ॥6॥

रत्तीए सुमिणं मए दिट्ठं कहेदि माया सुदो वि सम्मं ।

चामुण्डय्या सह मायाए सूरिसमीवं विणम्मदाए ॥7॥

वुत्ते सूरी भासदि हं वि सुमिणं पासमि कहेमि तं वि।

एगा देवी जक्खवी टिट्ठा कुसुमंडिणी कहेदि सुतुट्ठा ॥8॥

पोदणपुरमग्गो अवरुद्धो सप्पेहिं कण्डेहिं विद्धो।

सेलत्तो दक्खिणमुहट्ठाणं बाणपओगं किच्चा बाणं ॥9॥

लग्गदि जत्थ तत्थ इगचित्तं बाहुबलिसामिस्स विचित्तं।

होहिदि भासिय एवं जादा देवी सा खलु अंतज्झाणा ॥10॥

अवरदिणे गुरुआणाए सो बाणपओगं कादुं णद्धो।

मंतणमोक्कारं उच्चारिय चित्तं दिट्ठं बाणं मुंचिय ॥11॥

सव्वे हरिसा विंझगिरीए परिस्सय तुट्ठियभव्वसिलं ते।

पडिमाघडणट्ठं खलु पच्छा तेण पेसिदा अणुयरभिच्चा ॥12॥

सयं धरिय सामण्णविभेसं सिप्पिगवेसणहेदू देसं।

गच्छदि मंती मायाआणं पूरणकामो ठाणं ठाणं ॥13॥

पडिमा सा होदव्वा एसा विस्से हवे ण कावि सरिसा।

दंसणेण दुब्भाव विणासो सच्च-अहिंसा-संति-पयासो ॥14॥

जुगे जुगे जिणधम्मपहाणं णिगट्ठं हिदमप्पपहाणं।

चागअकिंचणभावा हेदू अप्पसंतिसुहकरणसुसेदू ॥15॥

कहमवि पत्तो सिप्पिविसिट्टो णाममरिट्ठणेमि सो जेट्ठो।
कहिदं सिप्पि! कुणहि णिम्माणं पाणवंतमिह तं पासाणं ॥16॥

दाहिमि ते मुहजाचणदाणं पुहपासाणसुवण्णपमाणं।
पस्सदि सिप्पी विम्महणेत्तो सीकरणं तं लोहिदचित्तो ॥17॥

पांरभदि कज्जं सो सणियं धरियमणं एयंते एगं।
आवागमणं रूधिय तत्थ मगं रचिय सुदिट्ठपसत्थं ॥18॥

कइपयमासाणंतरमेगे भरमाणो चुण्णं खलु सूदे।
माया आगच्छंता दिस्सदि सिप्पिसुदं किं करोसि पुच्छदि ॥19॥

माआ! णत्थि इदं रयचुण्णं पस्स पस्स एदम्मि सुवण्णं।
णिक्खित्तं करमेवं भासिय सूदे असमत्थो उट्ठाविय ॥20॥

णित्तेजो सिप्पी पुण रूवदि माया पस्सदि रक्खवु कोक्कदि।
पावभावफलमेदं पुत्त! धम्मे कज्जे लोहं मुंच ॥21॥

पस्स काललाजादं पुत्तं महोदारचित्तं तुं तुच्छं।
अत्थि सुदो मे जदि तो पुत्त! हत्थकलं मा विक्कसि अत्थ ॥22॥

जणणीवयणं सोच्चा सिप्पी उरलोहं धोवदि सो दप्पी।
जाचदि खमं च आसीवादं देउ करोमि हं णिब्बाधं ॥23॥

णमोक्कारमंतस्स सुजावं आइरियादि कुणदि जणजादं।
जिणगंधोदगफासे देहे संचारो सत्तीए अंगे ॥24॥

सिप्पी णीरोगो संजादो सुहकज्जे लग्गादि सुहभावो।
णिल्लोहो एयग्गमणेणं महाभव्वपडिमाघडणट्ठं ॥25॥

कदो समो रत्तीए दिवसे पादे अंगुलिणहससिभासे।
जंघा भुजा माहवीलित्ता कुंचिदकेसा अंबुजणेत्ता ॥26॥

अणुवमसुंदरमहाससीरं घडिदं रूवं णाहिगहीरं।
पडिमापुण्णं दिट्ठं हियए हरिसोल्लासो णरणारीए ॥27॥

छम्मासे हि मुत्तिपदिट्ठा महाभिसेगो कदो विसिट्ठा।
गोम्मटेससुहणामं दिण्णं जय जय जय जिडपडिमापुण्णं ॥28॥

(दोहा-छन्द)

गोम्मटेसजिणवरस्स मे भत्तीराएणत्थ।
कदा संथुदी भावदो गमणं होज्ज तत्थ ॥29॥

मुणिपणम्मसायर रचिय- भत्तिं इमं पढेउ।
सो सुरणरवरवीदो मोक्खं सिग्ध लहेउ ॥30॥

(पसत्थी)

भिवाणीणयरे कदा पुण्णा सुरयणा मए।
सुक्कपक्खे य मासम्मि मगसिरे दुवे तिही ॥31॥

- Muni Shree Pranamya Sagar (Sanghastha Acharya Vidyasagar Maharaj)

बाहुबलिस्स पूयणं (ठावणा)



रिसहदेवस्स जो आसी, सुदो धीरो महातवी।
णामेण बाहुबली किंतु, णाण-झाण-बली महा ॥
अम्हे वंदामि भावेण, हे पहु! एत्थ आयह?
मज्झ हिदयम्हि हे जिण! णिच्चमेव वसह वसह॥

ॐ ह्रीं श्री बाहुबलिस्वामिने अत्र अवतर अवतर संवौषट्। अत्र तिष्ठ ठःठः। अत्र मम सन्निहितो भव भव वषट्।

(अट्ठगं)

णीरं जलं समप्पामि, जीवणस्स विसुद्धिणं।
णीरसम जीवणं दिंतु, बाहुबली जिणेस्सर॥

ॐ ह्रीं श्रीबाहुबलिस्वामिने जन्मजरामृत्यु- विनाशाय जलं निर्वपामीति स्वाहा।

चंदणं सीयलं लोए, चंदणाओ वि चंदमं।
आदस्स सीदलयामिच्छे, बाहुबली जिणेस्सर ॥

ॐ ह्रीं श्रीबाहुबलिस्वामिने भवातापविनाशाय चंदनं निर्वपामीति स्वाहा।

लोए सव्वं खणभूदं, णत्थि अक्खय किंचिवि।
तम्हा अक्खयपदमिच्छे, बाहुबली जिणेस्सर॥

ॐ ह्रीं श्रीबाहुबलिस्वामिने अक्षयपदप्राप्तये अक्षतं निर्वपामीति स्वाहा।

पुप्फं मोहस्स लिंगं त्थि, तुम्हे मोहस्स णिज्जिदा।
हं पि मोहं खयं णेमि, बाहुबली जिणेस्सर॥

ॐ ह्रीं श्रीबाहुबलिस्वामिने कामबाणविध्वंसनाय पुष्पं निर्वपामीति स्वाहा।

भोयणं वंजणं किं पि, णिच्छयेण ण कारणं ।
तम्हा णाणं सदा पेयं, बाहुबली जिणेस्सर ॥

ॐ ह्रीं श्रीबाहुबलिस्वामिने क्षुधारोगविनाशाय नैवेद्यं निर्वपामीति स्वाहा।

दीवेण एदेण किं होदि, णाणदीवं पयासगं।
णाणदीवं पहु दिंतु, बाहुबली जिणेस्सर॥

ॐ ह्रीं श्रीबाहुबलिस्वामिने मोहान्धकारविनाशाय दीपं निर्वपामीति स्वाहा।

धूवं तुज्झे समप्पामि, अट्ठकम्मविणासगं।
डङ्गित्ता कम्म धम्ममायादि, बाहुबली जिणेस्सर॥

ॐ ह्रीं श्रीबाहुबलिस्वामिने अष्टकर्मदहनाय धूपं निर्वपामीति स्वाहा।

फलेण पूजेमि हे जिणवर, फलं किं चि ण याचमि।
महामौक्खफलं दिंतु, बाहुबली जिणेस्सर ॥

ॐ ह्रीं श्रीबाहुबलिस्वामिने मोक्षफलप्राप्तये फलं निर्वपामीति स्वाहा।
 लोए अघ्घं ण हि किं चि, अघ्घं पहु तुह देसणं।
 तं तु ह्रिदये धरणिज्जं, बाहुबली जिणेस्सर ॥
 ॐ ह्रीं श्रीबाहुबलिस्वामिने अनर्घ्यपदप्राप्तये अर्घ्यं निर्वपामीति स्वाहा।

जयमाला

हे रिसहपुत्त पहु बाहुबली, सुणंदा देवि य मादु भाली।
 भरदेस्सर चक्की बंधू तुह, बहिणी बंधी सुंदरी य सुणह ॥1॥
 हे तक्खसिला णिव बाहुबली, हे पोयणपुर णिव बाहुबली।
 जय कम्मे सूरा बाहुबली, जय धम्मे सूरा बाहुबली ॥2॥
 अहिमाणमेरु हे बाहुबली, चक्कीमयभंजण बाहुबली ।
 हे दिट्ठीजुद्ध जय बाहुबली, हे णीरजुद्ध जय बाहुबली ॥3॥
 हे मल्लजुद्ध जय बाहुबली, पुण धम्मजुद्ध जय बाहुबली।
 हे जगजेदा पहु बाहुबली, पुण आदविजेदा बाहुबली ॥4॥
 णिस्सल्लो मल्लो बाहुबली, देहादिविरत्तो बाहुबली ।
 वेरगमुत्ति जय बाहुबली, जय महातवस्सी बाहुबली ॥5॥
 जय तिहुवणतिलयं बाहुबली, जगदस्स आहारो बाहुबली।
 जय संतिकंतिजुद बाहुबली, जय संतिकंतिपद बाहुबली ॥6॥
 बाहुबली तुह णिच्छ बली, लोए ण हि अण्णो को विबली ।
 तुह बाहुवली ण हि आदबली, तुह णाणबली तुह झाणबली ॥7॥
 तुह लोए मंगल बाहुबली, तुह लोए उत्तम बाहुबली।
 तुह लोए सरणं बाहुबली, पणमउं चरणं तुह बाहुबली ॥8॥
 तुह णंतबली णिगंथबली, झाणाणंतर केवली सु बली।
 जय सिद्धसिला णिव बाहुबली, जय जय जय जय बाहुबली ॥9॥
 हं पणमउं पद तुह बाहुबली, हं पि होस्सामि बाहुबली ।
 जो झायदि मणसा बाहुबली, सो होस्सदि णिच्छय बाहुबली ॥10॥
 ॐ ह्रीं श्री बाहुबलिस्वामिने महार्घ्यं निर्वपामीति स्वाहा।
 इयं बाहुबली-पूया, जो पइदिणं पढिज्जदि
 तस्स दुक्खाइं णस्संति, सव्वसुक्खं य पावदि ॥

इत्याशीर्वादः ।

- Prof. Veersagar Jain, LBSRS Vidyapeetha, New Delhi

आइरियसुणीलसायरविरइदा
बाहुबली महामत्थयाहिसेगो



णमामि आदिपुत्तस्स, सुणंदाकुक्खिजं तहा।

भरहस्स लहुं भायं, बाहुबलिं महाबलिं ॥1॥

काललदेवी – मादाए, चाम्हेण य णिम्मिदं।

णेमिचंदेण संपुज्जं, णमामि गोम्मटेसरं ॥2॥

वरिसादो सहस्सादो, सम्मभावुवदेसगो।

रायसत्ता गदा णेगा, गोम्मटेसो दु सुट्ठिदो ॥3॥

बारसवरिसा पच्छा, महामत्थयाहिसिगो।

महा-महुच्छवो होदि, णेगा रत्ति-दिणाणि य ॥4॥

आणंदेति जणा सव्वे, सम्मिलंति बहुजणा।

णेगभाषा विभूसा य, पुण्णो देसो पमोदति ॥5॥

उग्घाडेइ सुहे काले, रुट्ठज्झक्खो महुच्छवं ।

मंती पहाणमंती वि, अणुमोदेदि णंवदि ॥6॥

मुखमंती रज्जवालो, अण्णदेसी जणा तहा।

अहियारी णयाहीसा, आगच्छंति हि सेट्ठी वि ॥7॥

आइरिया मुणीसंघा, अज्जिग खल्लिगा तहा।

एलगा खुल्लगा भट्टा, णंदंति देशसंजमी ॥8॥

होदि महाहिसेगस्स, विज्जू-जी पसारणं।

विस्ससंतिकरो संति-धारा कुंभेण होदि हि ॥9॥

गोम्मटेसस्स अच्चाए, वेरगभावुवज्जइ।

वीदरागो णिरंगो वि, भत्तीपुण्णेहि रंजिदो ॥10॥

जोण्हधम्म-वहावत्थं, भासा पागिद वट्ठणं।

अंतररट्ठियो गोट्टी, होदि संसोहणं परं ॥11॥

एज्जंति बहुविज्जाणा, बहुभासा विसारदा।

अक्खहिंसिगं किच्चा, जिणधम्मं जयंति य ॥12॥

चारुणिद्देस-दायारा चारुकित्ती भडारगो।

चारु-संचालणं चारु-समण्णओ विसारदो ॥13॥

गोम्मटदेव-श्रुदी



सुणंदणं पुरुणंदणं च,
दिक्कं णरेसं पुरपोदणस्स।
संपत्तिसव्वं तिणवंच चत्तं,
णमामि तं गोम्मट-देवदेवं ॥1॥

मित्ताणि जो बाहुबलेण बाले,
मज्झमिहो जो माणबलेण चक्किं ।
जेयं पुणो आदबलेण कम्मं,
णमामि तं गोम्मट-देवदेवं ॥2॥

अकप्पणीयं परमं तवस्सिं,
दारुणकट्टं सहियं समाणं ।
कम्मरि जेयं वरकामदेवं,
णमामि तं गोम्मट-देवदेवं ॥3॥

णियप्पलीणं मणचित्तहारिं,
सिद्धालयं पत्तपहुं अणंतं।
सिद्धं जिणं बाहुबलिं विसुद्धं,
णमामि तं गोम्मट-देवदेवं ॥4॥

विरागयं मुत्तिरमासुकंतं,
सुद्धं विबुद्धं सिवसोक्खदायं ।
सुकामदेव सुरवंदणिज्जं,
णमामि तं गोम्मट-देवदेवं ॥5॥

अखण्ड-पासाण-किदं सुमुत्तिं,
सुझायणीयं दिढचागमुत्तिं।
आकस्सियं बेलगुलस्स रायं,
णमामि तं गोम्मट-देवदेवं ॥6॥

सिद्धिजुदो जस्स महाहिसेगो,

आणंदजुत्तो तह विस्सवदं।
चित्तं पसीदेइ सुदंसणादो,
णमामि तं गोम्मट-देवदेवं ॥7॥

विज्झायले ज्ञाणरयं सुदेवं,
कित्ती दिसासुं पसरे पसिद्धं।
पस्सेइ णिच्चं सुदभद्दबाहुं,
णमामि तं गोम्मट-देवदेवं ॥8॥

- Shraman Muni Aadity Sagar ji
(Sanghasth Acharya Vishuddha Sagar ji)

णमो जिणिंद-गोम्मटं

आदि-जिणिंद-पुत्तगं सुणंदा-णेत्त-रम्मगं।
सुरिंदविंद-सेविदं, णमो जिणिंद-गोम्मटं॥1॥

कदोद-पुप्फ-लोयणं, सुसप्पकिण्ह-कुंतलं।
घाणा-अपुव्व-चंपगं, णमो जिणिंद-गोम्मटं॥2॥

गइंद-सुद्ध-बाहुगं, सुकंठ-पुट्ठी-कंधगं।
णियंबसेट्ट-पादुगं, णमो जिणिंद-गोम्मटं॥3॥

णिगंठ-रम्म-मुद्दगं, णिपंथ-पंथ-दायगं।
अपुव्वसंति-सण्णिहं, णमो जिणिंद-गोम्मटं॥4॥

मणोय-मोह-मारगं, सुभव्वजीव-कप्पगं।
विमोक्ख-मग्ग-आरसं, णमो जिणिंद-गोम्मटं॥5॥

उवास-वास-संजुदं, लदादि-विट्ठ-साहगं।
णियप्प-लीण-धीरगं, णमो जिणिंद-गोम्मटं॥6॥

सु-सत्ततच्च-घोसगं, कसाय-सल्ल-मोचगं।
विमुक्कमग्ग-पोसगं, णमो जिणिंद-गोम्मटं॥7॥

अणंत-णाण-दंसणं, सुहादि सव्व धारगं।
तिलोय-पुज्जभूसणं, णमो जिणिंद-गोम्मटं॥8॥

-Acharya Sunil Sagar Ji

सवणबेलगुलराओ गोम्मटेसो

भव्वप्पा! पुरुदेवस्स उसहदेवस्स लहुणंदणो राया-बाहुबली विउलगरिमाए पोदणपुरम्हि रज्जं किदो। अगगजं पढमं चक्केसं भरहरायं तयजुद्धेसुं हाराविदूणं परम-वेरगं धारिदूणं वस्सेय-पज्जंतं उक्किट्ट काओसगं किदो। पुणो भरहेसस्स विणम्म-वयणाइं सुणिदूणं तस्स माणं गालिदं तहा झत्ति हु केवल्लजोदिं पत्तो। इह उवलक्खे भरह-चक्किणा केवली-बाहुबलिस्स उत्तुंग-हेममयी-पडिमा- ठावणं किदं। इमं वुत्तंतं सुणिदूणं चामुंडरायस्स माया-काललादेवीए तस्स बिंबस्स दंसण-जिण्णासा जादा। जत्ता आरंभिदा णं बहु-उज्जमेहिं पि जदा इमा वंछा अपुण्णा होसी, तदा जत्ता-विस्सामो सिद्धंतक्कवट्ठि-आइरिय-णेमिचंदस्स चरणेसुं होसी। रत्तीए आइरियं मंति-चामुंडरायं एवं मायं पि सरिस-सिविणं जादं। सिविणे कुसमंडिणी-देवीए सरसंधाणेणं दिव्व-अब्भुद-बाहुबलिस्स दंसण-संकेयं किदं। जहेव गुरु-आणाए मंतिणा सरसंधाणं किदं, तदेव विझ-पव्वए अणुवमचित्तं दिस्सीअ। ताए सिलाए हु पडिमा-णिम्माणं आरंभिदं। बहुप्पसिद्ध-सिप्पकला-वेसिट्ट-जुद-अरिट्ट-णेमि-णामेण सिप्पिणा अप्पसमए पडिमा-णिम्माणं किदं। णिम्माण-उवरंतं महापंचामिद-अहिसेगो होसी, जो अज्जपज्जंतं गदिमाणो अत्थि। जो कोवि एगवारं अस्स मणोहर-बिंबस्स सुदंसणं करेदि, सो मंतमुग्घो होदूणं तत्थेव वसेदि। एवंचेव दिव्व-आलोगिग-अगणिदतेज-चुंबगीय-आकस्सण-जुत्ता जीवंत-पडिमा सयल-विस्से णत्थि। इदं दिव्व-बिंबं सवणबेलगुल-रायं गोम्मटेस-बाहुबलिं हं णोमि ॥

- Shraman Muni Aaditya Sagar ji (Sanghasth Acharya Vishuddha Sagar ji)

पाइयं अब्भुट्टावेमो

सरलं महरं ललियं पाइयं अब्भुट्टावेमो।

तित्थयरवाणिं लोगभासं जगकल्लाणिं - पाइयं अब्भुट्टावेमो ॥

आगम-पयरण-कहा-नाडगेसु रम्मं

खेत्तिअभासाणं जणणिं जणप्पियं - पाइयं अब्भुट्टावेमो ॥

सिलालेह-कव्व-कव्वसत्थाणं मणोहरं वायं

सक्कयसहिं सक्किइरक्खगं तं - पाइयं अब्भुट्टावेमो ॥

जणजीवणवण्णगं पगइचित्तगं कंतं

मरहट्ट-सूरसेण-मगहाइसु पसिद्धं - पाइयं अब्भुट्टावेमो ॥

जोइस-गणिय-वत्थु-जोगनिरूवगं

भारहे खेत्ते सव्वत्थसंपूजियं तं - पाइयं अब्भुट्टावेमो ॥

भारहस्स साहिच्चं अपुण्णं जं विणा

कुसलं मंगलं हव्वेज, सव्वेसिं जेण तं - पाइयं अब्भुट्टावेमो ॥

- Prof. Dharm Chand Jain, Jodhpur



गोम्मटेस-अट्टुगं

(थुदिसंगहो गंथम्मि)

उसहजिण-सुपुत्तं सुणंदाणेत्त रम्मं, णिव-भरह कणिट्ठं अदि-उत्तुंग देहं।

पउदणपुर-धीसं साहिमाणी गिरिव्वं, भुवण-मउडरूवं गोम्मटेसं णमामि ॥1॥

लसदि णयणसोहा तिट्ठिदा णासिकगो, लसदि य ओट्टपंती सामजुत्तं सुरम्मं ।

लसदि चिउग सेट्ठं कंबुंकंठं च कंधं, भुवण-मउडरूवं गोम्मटेसं णमामि ॥2॥

तणु-विहव अतुल्लं भासुरा सोम-मुद्दा, विलसदि दुवि बाहो हत्थी सुंढव्व दिग्घं ।

पुठि-पडल समीवे इंदवज्जो वि हीणं, भुवण-मउडरूवं गोम्मटेसं णमामि ॥3॥

अगणिद ससिलेहा कंतिहीणा भवन्ति, सुह चरणणहाणं चंदगाणं समीपे ।

तह य सयल मुद्दा देदि मोक्खस्स दिट्ठी, भुवण-मउडरूवं गोम्मटेसं णमामि ॥4॥

दमयदि मयणाणं वाहिणिं च समूलं, वितरदि भविजीवं सेट्ठ सम्मं सुहं च।

दलदि कलुसपुंजं रक्खदे सज्जाणाणं, भुवण-मउडरूवं गोम्मटेसं णमामि ॥5॥

ण य मद मल रेहा णो कसायादि दोसा, ण य मरण जराणं जम्मं च णत्थि जस्स।

विसद विमल बोहो सम्मदिट्ठी जुदा जो, भुवण-मउडरूवं गोम्मटेसं णमामि ॥6॥

सुर-णर-णयणेहिं पूजिदा जस्स मुत्ती, णिहिल-मुणिवरेहिं अच्चिदा जस्स कित्ती।

विमल-करुण-भावा रक्खदे जीवलोगं, भुवण-मउडरूवं गोम्मटेसं णमामि ॥7॥

पयड विमल रम्मं जहाजादं च रूवं, किद-बरिसुववासं अप्पलीणं सहावं ।

रहिद सयल संगं, वीदरागं णिसल्लं, भुवण-मउडरूवं गोम्मटेसं णमामि ॥8॥

- Acharya Suneel sagar ji

बाहुबली-सामी-थुदि

बाहुबली सामी, तुमं लोय सामी।

मूरती संतिआ, पइदिण सिमरामो ॥

आदिणह पुत्तरो, भरदस्स भायरो।

भायरं ण जिदइ, सव्वरज्ज सव्व दाइ ॥1॥

सुणंदादेविआ, गब्भेण जम्मिय ।

अणुवम कीरदि, आणेइ लोयम्मि ॥2॥

दिट्ठिऊं अणुजो, होईअ अग्गजो ।

होइ विवेगवंदो, बहुसह होऊण ॥3॥

संतिआ वयणं, उज्जल णिलयं।

विस्सस्स आदरसं, तुज्झ य दरसणं ॥4॥

बेलगोल रायो, अणंत तेयो ।


विसट्ठ धवल पउम, तुज्झ पायाणि ॥5॥

- Dr. Shanti Sagar, University of Mysore

जहा आयरिय-महापण्णो गोमटेसं दिट्ठं



सेयाम्बर-तेरापंथ-धम्मसंघस्स सुपसिद्धो
आयरिय महापण्णो 15 मई 1969 जेठकिण्हा
चउदसी दिक्सम्मि गणाहिपइ-आयरिय-
तुलसी-सह गोमटेसस्स दंसणं किदं। तथा
गोमटेसस्स विसाल-पडिमा दट्ठूण महापण्णो



सक्कय-भासम्मि आसु-कव्वं इत्थं पकारेण विरइदा-

शक्तिर्व्यक्तिं याति बाहुद्वयेन, ज्ञानालोको मस्तकस्थो विभाति ।

आलोकानां माध्यमं चक्षुरेतत् , मोहाऽभावो व्यज्यते पुंस्कचिन्हैः॥1॥

शक्तिः समस्ता त्रिगुणात्मिकेयं , प्रत्यक्षभूता परिपीयतेऽत्र ।

स्फूर्त्ताः स्वभावाः सकलाश्च भावाः, मूर्ता इहैवात्र विलोक्यमानाः ॥2॥

स्वतंत्रतायाः प्रथमोऽस्ति दीपोः, नतो न वा यत्स्खलितः क्वचिन्न ।

त्यागस्य पुण्यः प्रथमः प्रदीपः, परम्पराणां प्रथमा प्रवृत्तिः ॥3॥

समर्पणस्याद्यपदं विभाति, विसर्जनं मानपदे प्रतिष्ठम्

शैलेशशैलीं विदधत्स्वकार्ये, शैलेश एष प्रतिभाति मूर्तः ॥4॥

- Dr. Anekant Kumar Jain

मुखमंत्ति-जोड़ पागदमणीसि-फुल्लचंद-जइणं सम्माणं पदत्तं

7 फरवरी 2018, लखनऊ नयरम्मि पसिद्धो लोकभवणम्मि उत्तरपदेस-

सक्कय-संठाणं, उत्तरपदेस-सरकारस्स
मुख-मंत्ति-माणणीय-जोई-आदित्त-
णाहो तहा महामहिम रज्जपाल रामनाइक
महोदयस्स करकमलेण पागद-सक्कय-
जइणदंसणस्स पसिद्धो वरिट्ठ-विउसो
आइरिय फुल्लचंद-जइण- पेमी, वाराणसी,
महोअयं विसिट्ठ-सम्माणेण सम्माणं किदं
तहा य अंगवत्थ सहियं एगलक्ख एगसहस्स
रूप्पगं पदत्तं। पागद-भासा पक्खदो
सुहकामणा।

- Dr. Arihant Jain, Mumbai



भजह गोम्मटेसं



भजह गोम्मटेसं सया वीयरायं जिणेसं महेसं च सव्वेगणाहं।
अणंतं सुहं जेण लद्धं तवेणं पडिमासुजोगेण बरिसेगमियेणं ॥1॥
भजह गोम्मटेसं णमह गोम्मटेसं
गोम्मटेसस्स सरणं सया सोक्खयारी ॥2॥

आसी सयं जो चरमदेहधारी आदीसपुत्तो हि भरतेसबंधू।,
पढमकामदेवो वि महापुण्णसाली बाहुबली एस जगदेगबंधू ॥3॥

पोदणपुरस्स राया जिणधम्मसारपत्तो जिणधम्मकम्मदक्खो सुहकम्मचित्तधारी
सुहकम्ममग्गचारी गुणदोसभेययारी पहुमाणसीसधारी णियमाणधण्णभारी ॥4॥

रज्जं दाऊण मण्णह चक्किणं भरहेसबन्धुं कुरू तुं णिच्चं रज्जं बंधुविणयायारी।
चक्किचरवयणं सुणविय उत्तं बाहुबलिणा कहमेदं कहमेदं रज्जं मया देयं खलु ॥5॥

ण हि दाहिस्सामि कहं दाहिस्सामि रज्जं मे तिथि रक्खणं हं करिहिस्सामि ॥6॥

वप्पेण दत्तमिणं रज्जं ममेव अत्थि तम्हा ण कस्स वि करे तं समप्पिअं॥
करितव्वं मे तिथि णूणं पत्तरज्जस्स रक्खणं कहं तं देयं मया चक्कवट्टिकरे वरं ॥7॥

णो देयं णेव देयं दाहिस्सामि णेव कहं साहु उच्चरिज्जह बंधुस्स रज्जहारणं।
जदि हरिहिस्सदि कोई मे रज्जं तदा हं रक्खिहिस्सामि भदं सिया तज्जुद्धकारणं ॥8॥

सम्मं आगअं जुद्धं पियहरं हियनासगं बंधुजुगस्स मज्झे लोये दुक्खकारणं।
को लाहो बंधुजुद्धस्स चरमदेहादो तदुहअस्स सेण्णघादो होहिदि केवलं सोययो ॥9॥

तब्भवमुत्तिगेहिं एदेहिं बंधुहिं परप्फरेहिं जओ वा पराजओ वा कारयिदव्वो कदाचिं।
एदेहिं च सिया एदेसिं बलपरिक्खणं तत्थ पुण जयं लभे जो तस्सेव भवे चक्काइयं सव्वं ॥10॥

तेसिं मज्झे जादं पढमत्तेणं च दिट्ठीजुद्धं बाहुबलिणा लद्धो जयो हि तत्थ विसेसदो।
बीअे पुण जलजुद्धे तदीये य मल्लजुद्धे वि बाहुबली एव लद्धजयो जयघोसो भयंकरो ॥11॥

दत्तं भरहेण चक्कं अहवा घादिदुं हि खिप्पं परिक्कमिय बाहुबलिणं खलु वरेण्णं।
हत्थे समागअं पुण चक्किणो भरहस्स वरे दिट्ठमिणं बाहुबलिणा वेरज्जं लद्धं हियवरं ॥12॥

हा संसारगई धिगत्थि मे जीवियं भोययरं णत्थि विणा संजमदो सारभूदं मे तत्थ किंचिं।
णादूयेवं सव्वं तिणमिव चत्ता य मुणी जादो धण्णो महातवस्सी पडिमाजोगेण सो वरो ॥13॥

वरिसेगपरजंततवं किदं पुण तेण णिज्जरिदे पक्खयिदे च सव्वघाइकम्माणं।
अरहंतो सो जादो अणंतसुहबोहसंपण्णो बाहुबली खलु अज्ज सिद्धपरमेद्धी सयं ॥14॥

आसी पुण आइरियो णेमिचंदो य सिद्धंतचक्कवई सिस्सो खलु तस्सेव पुणो सावओ
चामुण्डराओ।

जिणपडिमा च तेण पभूयसुवण्णदाणेण णिम्माविया मुत्तियारो य भवे धण्णो णिल्लोहो च जेण।

तेण दु अइसइयारी पडिमा विणिम्मिआ पुण एसा बाहुबलिनो सुबिंबमई ॥15॥

अत्थि खलु अज्ज वि जसो लोये मुत्तियारस्स चामुण्डरायस्स च विसिट्ठो।
जम्हा पडिमा सम्मं अत्थि अइसइयरी पुण विस्सुदविसेसा ॥16॥

सवणवेलगोलम्मि सुकरणाडदेसे सिरीक्खेतपुण्णे सुमहिमाविसाले।
विंज्जगिरित्तुंगविसालसोहं जिणं बाहुबलिनं हं सिरसा णमामि ॥17॥

भजह गोम्मटेसं सया धम्मरूवं परमधम्मपत्तं सया सुक्खरूवं
सव्वस्स सिद्धीअ हेदुं पभूदं जिणं बाहुबलिनं हं मणसा णमामि ॥18॥

भजह गोम्मटेसं णमह गोम्मटेसं गोम्मटेसस्स सरणं सया सोक्खयारी ॥19॥

- Prof. Shriyansh Kumar Singhai, Jaipur

Twitter Log in Sign up

Narendra Modi (@narendramodi)

Glad to have joined the Bahubali Mahamasthakabhisheka Mahotsava at Shravanabelagola in Karnataka. Spoke about the rich contribution of saints and seers to our society. Here is my speech. nm-4.com/tf25 pic.twitter.com/0lgvDfsJUb

2:31 AM · 19 Feb 2018

Why hasn't Prakrit got classical status, asks French Indologist

'It was as an integral part of social life & polity for centuries'

SATHISH G.T.
SHRAVANABELAGOLA

Six Indian languages – Tamil, Sanskrit, Kannada, Telugu, Malayalam and Odia – have been given the classical language status, but it is surprising that Prakrit did not figure in the whole debate of classical language, says Nalini Balbir, French Indologist.

The scholar from Sorbonne-Nouvelle University in Paris, who delivered the keynote address at the inauguration of the International Prakrit Conference at Shravanabelagola, said Prakrit in all its variant forms was the language of the common people, and it was an integral part of social life and polity for centuries.

NALINI BALBIR
French Indologist

Many great works of Jain & Buddhist philosophy are in Prakrit

"Many great works of Jain and Buddhist philosophy are in Prakrit. Despite its significant contribution to the Indian literary heritage, at one point the language was projected as popular or vulgar," said Prof. Balbir, speaking on the sidelines of the seminar.

Prakrit started losing importance after the 12th Century, that is the time when regional languages in the northern part of the country emerged. The fact that it was spoken by the common people was also one among the reasons for the scholars of that time to ignore it.

"While Sanskrit, another ancient language, continued to gain recognition, Prakrit was sidelined," she said.

In recent years, the language is receiving attention with a few universities in India and abroad offering courses in Prakrit studies. Young scholars of Japan have developed an interest in Prakrit studies and Jainology.

"Many young scholars in Japan and Russia are into Prakrit studies. In fact, Kundakunda's [Jain scholar] works in Prakrit have seen Russian translations," she said.

RAVINI MANG
This is "Swa not ju also e Soc bell at panch taluk (you w Bharat The Kanna official forcefu point a It all Salyad Enginet Manage lyrics or and con Chief Ex the Dak:

Twitter

By: Narendra Modi @narendramodi



सरामि सामिं धरसेण-सायरं

चंदगुहम्मि परिराजमाणो । झाणेगमुद्दा णिरदो दयालु ॥
उग्गेण जिण्णे तवसेण सिण्णो । सिढिलत्त-देहो जरयाभिमूदो ॥ (1)

आयरिय वरिट्ठो धरसेण सामी । विचिंतइ सुयंसं कहं हि रक्खिदा ॥
चिंताउरो णाणवरो अहेसि । सा वारसंगी विउला विमिस्सिदा ॥2॥

संसूचिदो सो महिमहि णयरे । सहा-मुणीणं संजोदिदत्थि ॥

जादे स-सदेश णवेग वंछा । संपेसणे य स-मदिं करेदि ॥3॥

संपेसिदं सिग्घ सदेस-वाहगं । संसूचिदं संकेए सहा-पहाणं ॥

पेसेहि मं साहु तवस्मि सिग्घं । पबुद्धणाणी य सयापमत्तं ॥4॥

अवप्प सदेसमचिरं पहाणं । संपेसिदा बे वि तबस्सि साहु ॥

सिरि पुप्फदंतं हि सुबुद्ध साहगं । तहापरं भूदवलिं महप्पं ॥ 5 ॥

समुपत्थिदां तां सहसा हि पस्स । परिक्खिदा बे वि अतंद-साहगा ॥

चरिम सुयकेवलि धरसेणो वि तुट्ठो । असेसं पदत्तं तां सुयंसं महग्घं ॥6॥

माहो ण जादु अम्हस्स अंते सरीरे । गच्छेदि अण्णप्पदत्ता तां सुसिस्सां ॥

अण्णणुसारेण किदं विहारं । पत्तांकुलेसरे बे वि महातवस्सी ॥ 7 ॥

संकप्प भव्वं मणसिं णिधाय । लेहोवगरणं तु य तत्थकाले ॥

सुकरोवलद्धि ण हि पस्समाणे । वाणी सुलेखत्थ कधमेदि चिंता ॥ 8 ॥

चिंताउला पस्स जिणवाग-पभत्ता । जणा पदत्ता लेहणत्थं भोयपत्ता ॥

अप्पिदा य तां हिं कट्ठलेहणी । सुरंगं वणप्फइस्स चित्तं-विचित्तं ॥ 9 ॥

एयं पयारेण हि खंड-सिद्धंतं गंथं । लिहिदं हि तेहि मुणि-णंदणेहिं ॥

हिययरा वारसंगी य सारभूया । सिद्धं तागमा हि गिधिदं णवाणं ॥ 10 ॥

मुणिदेहिं तेहिं रचिदा सुसुत्ता । सूरसेणिमि सरलं णितंतं ।

पढमागमेणेव ताणं हि बोहो । पाभदि णं भूमिमि ण किंचि संसयं ॥11॥

सज्झाय-काले अणुहूय कट्ठं । कालंतरे जादमवप्प भत्तं ॥

पंचायरियवराणंतरे मुणि वीरसेणे । किदा य टीका सुबोहा णवीणा ॥ 12 ॥

णामा य धवला विण्णाण-सोता । सुबोहिणी या लिहिदादिभव्वा ॥

णाणसायरा अइमहिमावइ सा । मणिप्रवालन्याय-शैली पणीदा पसिद्धा ॥13॥

पवित्तस्स तस्स पिहदस्स भूमिहिं । सहित्तरयणस्स विभासागस्स ॥

पवयणकत्तं आयरिय धरसेण धण्णं । णमामि मण-वय-देहाहि तं वरं ॥14॥

सिरिपुप्फदंतं वरसुत्त-लेहगं । तहेव तं भूदवलिं मुणिदं ॥

टीगस्स कत्तारमिहेक धण्णं । सिरि वीरसेणं पणमामि णिच्चं ॥ 15 ॥

बाहुबलिण दिव्व मत्थगाहिसेगं

बाहुबली महासामिण, अहिसेगं दिव्व मत्थगाहिसेगं।
आयरंति भव्वजणा, भत्ति-भावेण साणंद ॥

जस्स पिउ परमप्पा, भायरो चक्कवट्टी गोम्मटस्स जेट्टं ।
तं तब्भव मोक्खगदो, बाहुबलिण मत्थगाहिसेगं ॥

जो सिद्धं बाहुबली, अप्प सम्माणं सादत्तं रक्खिउं।
तं अहिंसाजुद्ध कत्तारो, बाहुबलिण मत्थगाहिसेगं ॥

जो धम्मजुद्धेण जिदं, दिट्ठं जलं य मल्लं तिविहं ।
तं महाबली सुभडो, बाहुबलिण मत्थगाहिसेगं ॥

जो जिदं चक्कवट्टीं, सुदंसणचक्कं वि य गदं विवसं ।
तं वज्जकायबली, बाहुबलिण मत्थगाहिसेगं ॥

जो जिदूण सव्वं वि य, अहिंसाजुद्धेण सव्वं पि परिदत्तं ।
त विराई चागी य, बाहुबलिण मत्थगाहिसेगं ॥

जो किदं वस्सेगकालं, अणसणं झाणं वि य धारिंदं ।
तं झाणी जोगी य, बाहुबलिण मत्थगाहिसेगं ॥

जो किदं संसारखयं, दव्व खेत्त काल, भव भावं च ।
तं सिद्धपरमेट्टी, बाहुबलिण मत्थगाहिसेगं ॥

जो अहिंसाए सुहं, संति चागेण च मेत्तिए विगासं ।
तं झाणेण सिद्धीं आहं, बाहुबलिण मत्थगाहिसेगं ॥

जो इंदगिरिसिहरस्स, अक्खयं च सिलाए णिम्मिदं ।
तं लोए पढमच्छरियो, बाहुबलिण मत्थगाहिसेगं ॥

जो णिम्मिदं चामुंडरायो, देवि कुसुमंडिणी किवपसादं ।
तं वस्सबारहे होइ, बाहुबलिण मत्थगाहिसेगं ॥

जो मंगलं उत्तमं च, सरणं इहकालम्मि मोक्खगदं ।
तं पढममोक्खगदो, बाहुबलिण मत्थगाहिसेगं ॥

जो किदं चारुकिती, भडारगो अणेग मत्थगाहिसेगं ।
त भरदस्स चारुकिती, बाहुबलिण मत्थगाहिसेगं ॥

**FORM IV
(Ownership Statement)**

1. Place of publication : New Delhi
2. Periodicity of its publication : Half Yearly
3. Printer's Name : Sonu Printing Press
Nationality : Indian
Address : 585-C, Munirka, New Delhi-110067
4. Publisher's Name : Ruchi Jain
Nationality : Indian
Address : JIN FOUNDATION, Behind Nanda
Hospital, A93/7A, Chattarpur Extension,
New Delhi-110074
5. Editor's Name : Dr. Anekant Kumar Jain
Nationality : Indian
Address : A93/7A, Chattarpur Extension,
New Delhi-110074
6. Names and addresses of individuals who own the newspaper and partners or shareholders holding More than one per cent of the total capital. N.A.

I, Ruchi Jain, hereby declare that the particulars given above are true to the best of my knowledge and belief.

Date: 30 Mar, 2018


Signature of Publisher



Shri Prabhat Chand Jain
Jt. Secretary, Trustee
DS Mahasabha

णमो जिणाणं
With Best Compliments from
Nagaland Decorative House
Opp. Indin Airlines Office,
Kohima Rd, Dimapur -797112
Nagaland











Anil Kr Jain
Jt. Secretary DS, Trustee &
Vice President DS Mahasabha

For worthy readers...

**Sacred Jaina texts now available with
English translation and explanatory notes.**

Divine Blessings: His Holiness Ācārya Vidy nanda Muni
Editor: Vijay K. Jain




Published by:

Vikalp Printers

Anekant Palace, 29 Rajpur Road, Dehradun-248001 (Uttarakhand) India

www.vikalpprinters.com

• E-mail: vikalp_printers@rediffmail.com • Tel.: 0135-2658971, 9412057845



कण्णाटकपंते सवणबेलगोलाए ठिदो
विस्सपसिद्धो 57 फुट गोम्मटेस बाहुबलिस्स
मुत्तिस्स बारहवरिसओ महामत्थकाहिसेगो
महामहोस्सवस्स उडुच्चाटणं 2018
वरिसम्मि फरवरीमासम्मि सत्त (7)
दिणंकम्मि भारहस्स रट्टपई-महामहिम-
सिरी-रामनाथ-कोविंद-महोदयेण संपण्णं
जादं। सआधिकमुणिसंघ साणिज्जे
कम्मजोई-सत्थि-सिरी-चारुकित्ति
भट्टारगस्स कुसलनिदेसणे दिअम्बर-
जइण-परंपराओ-सव्वसेट्टो-महोस्सवो जादं।
महोस्सवम्मि उवरट्टपई-वेंकटइआ-णायडू

तहा पहाणमंतिओ सिरी-णरेंद-मोदी वि समागओ। णरेंदमोदी पागदभासम्मि गोमटेस-थुदि वि
बोल्लइ।

इंटरनेट-जुगे पागद-भासा अहोलिहिदलंकम्मि वि उवलद्धा अत्थि-
फेसबुग-सुत्तं : [https://www.facebook.com/pages/Prakrit-
Language-and-Literature/376483559110083?ref=hl](https://www.facebook.com/pages/Prakrit-Language-and-Literature/376483559110083?ref=hl)
Group - <https://www.facebook.com/groups/prakritlanguage/>
ब्लॉगसुत्तं : <http://prakritlanguage.blogspot.in/>
संपक्क-सुत्तं : pagadbhasa001@gmail.com,
+91 9711397716

TITLE - PAGAD BHASHA,
RNI - DELPRA/2015/59918, ISSN. 2454-5252
DCP (L) - NO. F.2 (P-22) PRESS/2014
LANGUAGE OF THE NEWS PAPER - PRAKRIT
PERIODICITY - HALF YEARLY
PRICE - FREE OF COST DISTRIBUTION

Printed Matter Posted Under
P&T Guide Sec. 114(7)

To

If undelivered please return to-
JIN FOUNDATION,
Behind Nanda Hospital, A93/7A,
Chattarpur Extension, New Delhi-110074